

全
唐
詩



全唐詩目 第九函

第六冊

劉駕

一卷

劉滄

一卷

李頻

三卷

全唐詩

劉駕

劉駕字司南江東人登大中進士第官國子博士詩一卷

皎皎詞

皎皎復皎皎逢時即爲好高秋亦有花不及當春草班
姬入後宮飛燕舞東風青娥中夜起長歎月明裏

長安旅舍紆情投先達

一作長安打
懷寄知己

路不在地馬蹄徒苦辛上國聞姓名不如山中人大
宅滿六街此身入誰門愁心日散亂有似空中塵白露
下長安百蟲鳴草根方當秋賦日却憶歸山村靜女頭

欲白良媒況我鄰無令苦長歎長歎銷人魂

送友下第遊鴈門

相別灞水溜夾水柳依依我願醉如死不見君去時所
詣星斗北直行到猶遲況復挈空囊求人悲一作恨路岐
北門記室賢愛我學古詩待君如待我此事固不疑鴈
門春色外四月鴈未歸主人拂金臺延客夜開扉舒君
鬱鬱懷飲彼白玉卮若不化女子功名豈無期

讀史

平地見天涯登高天更遠功名及所望岐路又滿眼萬
金買園林千金修池館他人厭遊覽身獨戀軒冕唯有
漢二疎應覺還家晚

反賈客樂

樂前亦有賈客
樂今反之

無言賈客樂賈客多無墓行舟觸風浪盡入魚腹去曲
夫更苦辛所以羨爾身

送李垣先輩歸嵩少舊居

第九
句缺

高秋灞澹路遊子多慘戚君於此地行獨以尋春色文
章滿人口高第非苟得要路在長安歸山却為客

狂歌罷歎息我豈無故山千里同外國

苦寒吟

百泉凍皆咽我吟寒更切半夜倚喬松不覺滿衣雪竹
竿有甘苦我愛抱苦節鳥聲有悲歡我愛口流血潘生
若解吟更早生白髮

上巳日

上巳曲江濱喧於市朝路相尋不見者此地皆相遇日
光去此遠翠幕張如霧何事歡娛中易覺春城暮物情
重一作愛此節不是愛芳樹明日花更多何人肯回顧

春臺

臺上樹陰合臺前流水多青春不出門坐見野田花誰
能學公子走馬逐香車六街塵滿衣鼓絕方還家

釣臺懷古

澄流可濯纓嚴子但垂綸孤坐九層石遠笑清渭濱潛
龍飛上天四海豈無雲清氣不零雨安使洗一作澆塵氛我
來吟高風髣髴見斯人江月尚皎皎江石亦磷磷如何

臺下路明日又迷津

勵志

一作績
勵志

白髮豈有情貴賤同日生
二輪不暫駐似趁長安程
前堂吹參差不作緱山聲
後園植木槿月照無餘英
及時立功德身後猶光明
仲尼亦爲土魯人焉敢耕

桑婦

牆下桑葉盡春蠶半未老
城南路迢迢今日起更早
四鄰無去伴醉卧青樓曉
妾顏不如誰所貴守婦道一春
常在樹自覺身如鳥歸來見
小姑新妝弄百草

上馬歎

羸馬行遲遲頑童去我遠
時時一回顧不覺白日晚路

全唐詩
傍豪家宅樓上紅妝滿十月庭花開花前吹玉管君當
未貴日豈不常屯蹇如何見布衣忽若塵入眼布衣豈
常賤世事車輪轉

唐樂府十首

并序

唐樂府自送征夫至獻賀觴歌河湟之事也下土
土貢臣駕生於唐二十八年獲見明天子以德歸
河湟地臣得與天下夫婦復爲太平人獨恨愚且
賤蠕蠕泥土中不得從臣後拜舞稱于上前情有
所發莫能自抑作詩十章目曰唐樂府雖不足貢
聲宗廟形容盛德而願與耕稼陶漁者歌田野江
湖間亦足自快

送征夫

昔送征夫苦今送征夫樂
寒衣縱攜去應向歸時着
天子待功成別造凌煙閣

輸者謳

輓粟上高山高山若平地
力盡心不怨同我家私事
去者不違軍歸者唱歌行
相逢古城下立語天未明
一身遠出塞十口無稅征

弔西人

河湟父老地盡知歸明
主將軍入空

土所

願邊人耕歲歲生禾黍

邊軍過

城前兵馬過城裏人高卧官家自供給畏我田產破健
兒食肥肉戰馬食新穀食飽物有餘所恨無兩腹草青
見軍過草白見軍回軍回人更多盡繫西戎來

望歸馬

東人望歸馬馬歸蓮峰下蓮峰與地平亦不更徵兵

祝河水

河水清瀾瀾照見遠樹枝征人不飲馬再拜祝馮夷從
今億萬歲不見河濁時

田西邊

刀劔作鋤犁耕田古城下高秋禾黍多無池放羊馬

崑山

昔時玉爲寶崑山過不得今時玉爲塵崑山入中國白
玉尚如塵誰肯愛金銀

樂邊人

在鄉身亦勞在邊腹亦飽父兄若一處任向邊頭老

獻賀觴

莫但取河湟河湟非邊疆願今日入處亦似天中央天
子壽萬歲再拜獻此觴

且可憐行

第五句
缺三字

園中花自早不信外無花良人未朝去先出登香車

五

輪滿城聞嘔啞侍兒衣各別頭上金雀多祇是

一家人路人疑千家過後香滿陌直到春日斜今朝且

可憐莫問久如何

築臺

一作城詞

漢武築通天臺後若苦之

前杵與後杵築城聲

一作功

不住我願築更高得見秦皇墓

鄰女

君嫌鄰女醜取婦他鄉縣料嫁與君人亦為鄰所賤
菖蒲花可貴只為人難見

山中夜坐

半夜山雨過起來滿山月落盡醉處花荒溝水泱泱
然惜春去似與故人別誰遣我多情壯年無鬢髮

秦娥

秦娥十四五面白於指爪羞人夜採桑驚起戴勝鳥

牧童

牧童見客拜山果懷中落晝日驅牛歸前溪風雨惡

古出塞

胡風不關花四氣多作雪北人尚凍死況我本南越古
來犬羊地巡狩無遺轍九土耕不盡武皇猶征伐中天
有高閣圖書何時歇坐恐塞上山低於沙中一作骨

寄遠

雪花豈結子徒滿連理枝嫁作一作與征人妻不得長相隨

去年君點行賤妾是新姬一作歸別早見未熟入夢無定姿

悄悄空閨中蛩聲遶羅幃得書喜猶甚況復見君時

下第後屏居長安書懷寄太原從事

別足豈更長良工隔千里故山彭蠡上歸夢向汾水低
摧神氣盡僮僕心亦恥未達誰不然達者心思此行年
忽已壯去老年更幾功名生不彰身歿豈爲鬼纔看芳
草歇即歎涼風起疋馬未來期嘶聲尚在耳

早行

馬上續殘夢馬嘶時復驚心孤多所虞僮僕近我行棲
禽未分散落日照古城莫羨居者閑

一作閑
居者

家
溪邊人已
耕

青門路

青門有歸路坦坦高槐下貧賤自恥歸此地誰留我門
開送客去落日嬾回馬旅食帝城中不如遠遊者舟成

於陸地風水終相假吾道諒如斯立身無苟且

效古

融融芳景和杳杳春日斜嬌嬈不自持清唱嘖雙蛾終
曲翻成泣新人下香車新人且莫喜故人曾如此燕趙
猶生女郎豈有終始

戰城南

城南征戰多城北無飢鴉白骨馬蹄下誰言皆有城
前水聲苦倏忽流萬古莫爭城外城一作地城裏終一作有關土

曲江春霽

宿雨洗秦樹舊花如新開池邊草未乾日照人馬來馬
蹄踏流水漸漸成塵埃鴛鴦不敢下飛繞岼東西此地

喧仍舊歸人亦滿街

贈先達

終南蒼翠好未必如故山心期在榮名三載居長安昔
蒙大雅匠勉我工五言業成時不重辛苦只自憐皎皎
機上絲盡作秦箏弦貧女皆罷織富人豈不寒驚風起
長波浩浩何時還待君一作
謾人當要路一指王化源

有感

弓劍不自行雞引河湟思將軍半夜飲十里聞歌吹高
門一作
行幾世宅舞袖仍新賜誰遣一書來燈前問邊事

姑蘇臺

一作吳
中懷古

勾踐飲膽日吳酒正一作
香滿杯一作吳王
酒滿杯笙歌入海雲聲自

姑蘇來西施舞初罷侍兒整金釵衆女不敢妒自比泉
下泥越鼓聲騰騰吳天隔塵埃難將甬東地更學會稽
樓紀事
止此霸跡一朝盡草中棠梨開

豪家

九陌槐葉盡青春在豪家嬌鶯不出城長宿庭上花高
樓登夜半已見南山多恩深勢自然不是愛驕奢

山中有招

朗朗山月出塵中事由生人心雖不關九陌夜無行學
古以求聞有如石上耕齊姜早作婦豈識閨中情何如
此幽居地僻人不爭嘉樹自昔有茅屋因我成取薪不
出門采藥於前庭春花雖無種枕席芙蓉馨君來食菜

藿天爵豈不榮

空城雀

飢啄空城土莫近太倉粟一粒未充腸却入公子腹且

弔城上骨

一作容

幾曾害

一作空

爾族不聞莊辛語今日寒蕪綠

馮叟居

天作馮叟居山僧尚嫌僻開門因兩樹結宇倚翠嶺溪
南有微徑時遇採芝客往往白雲生對面千里隔機忘
若僮僕常與猿鳥劇曬藥上小峰庭深無日色自忘一作從
歸鄉里一作自從不見新舊一作舊威纍纍子孫墓秋風吹古
柏

醒後

醉卧芳草間酒醒日落後壺觴半傾覆客去應已久不
記折花時何得花在手

棄婦

回車在門前欲上心更悲路傍見花發似妾初嫁時養
蠶已成繭織素猶在機新人應笑此何如畫蛾眉昨日
惜紅顏今日畏老遲良媒去不遠此恨今告誰

送李殷遊邊

一作送李
殷遊西京

十年夢相識

一覲

一作
親

俄遠

一作
見

別征駕在我傍草草意難

說君居洞庭日詩句滿魏闕如何萬里來青桂看人折
行裝不及備西去偶然訣

一作
成決

孟夏出都門紅塵客衣熱

荒城見羊馬野館具薇蕨邊境漸無虞旅宿常待月西

全唐詩 九
園置酒地日夕簪裾列壯志安可留槐花樽前發

江村

江水灌稻田饑年稻亦熟舟中愛桑麻日午因成宿相
承幾十代居止連茅屋四鄰不相離安肯去骨肉書生
說太苦客路常在目縱使富貴還交親幾墳綠

出門

出門羨他人奔走如得塗翻思他人意與我或不殊以
茲聊自安默默行九衢生計逐羸馬每出似移居客從
我鄉來但得鄰里書田園幾換主夢歸猶荷鋤進猶希
萬一退復何所如況今關公道安得不躊躇

別道者

自君入城市北邙無新墳始信壺中藥不落白楊根如
何忽告歸薜華還笑人玉笙無遺音悵望緱嶺雲

蘭昌宮

宮蘭非瑤草安得春長在迴首春又歸翠華一作不能待
悲風生輦路山川寂已晦邊恨在行人行人無盡歲

送友人擢第東歸

同家楚天南一作相識秦雲西古來懸弧義豈顧子與妻

攜手踐名場正遇公道開君榮一作我雖黜感恩同所懷

有馬不復羸有奴不復飢灞岸秋草綠一作槐花却是還家

時青門一瓢空分手去遲遲期君轍未平我車繼東歸

久客

金屋言
久客心易足主人有餘力如何昨宵夢到曉家山色南
音入誰耳曲盡頭自白

秋夕

促織燈下吟燈光冷於水鄉魂坐中去倚壁身如死求
名爲骨肉骨肉萬餘里富貴在何時離別今如此出門
長歎息月白西風起

效陶

兩躍無停馭蓬壺應有墓何況北邙山一作邙山色只近市朝

一作井路大悔生死網飛走無逃處白髮忽已新紅顏豈如

故我有杯中物可以消萬慮醉舞一作舞日婆娑誰能記朝

暮如求神仙藥階下亦種黍但使長兀然始見天地祖

長門怨

一作張喬詩

御泉長繞鳳皇樓，只是恩波別處流。
閑揲舞衣歸未得，夜來砧杵六宮秋。

苦寒行

嚴寒動八荒，刺刺一作刺刺無休時。
陽鳥不自暖，雪壓扶桑枝。歲暮寒益壯，
青春安得歸。朔鴈到南海，越禽何處飛。
誰言貧士歎，不為身無衣。

琪樹下因吟六韻呈先達者

舉世愛嘉樹，此樹何人識。
清秋遠山意，偶向亭際得。
奇柯交若鬪，珍一作生葉一作世業密。
如織塵中尚，青蔥更想塵外色。
所宜巢三鳥，影入瑤池碧。
移根豈無時，一問紫煙客。

送人登第東歸

學古既到古反求鑒者難見詩未識君疑生建安前海
畔豈無家終難成故山得失雖由命世途多險艱我皇
追古風文柄付大賢此時如爲君果在甲科間晚達多
早貴舉世咸爲然一夕顏却少雖病心且安所居似清
明冷竈起新煙高情懶行樂花盛僕馬前歸程不淹留
指期到田園香醪四鄰熟霜橘千株繁肯憶長安夜論
詩風雪寒

賈客詞

賈客燈下起猶言發已遲高山有疾路暗行終不疑寇
盜伏其路猛獸來相追金玉四散去空囊委路岐揚州

有大宅白骨無地歸少婦當此日對鏡弄花枝

塞下曲

勒兵遼水邊風急卷旌旃絕塞陰無草平沙去盡天下
營看斗建傳號信狼煙聖代書青史當時破虜年

春夜二首

一本無二首二字
次首題作秋懷

一別杜陵歸未期祇憑魂夢接親知近來欲睡兼難睡
夜夜夜深聞子規

幾一作歲歲干戈阻路岐憶山心切與心違時難何處披衷

抱日日日斜空醉歸

鄆中感懷

頃年曾住此中來今日重遊事可哀憶得幾家歡宴處

家家家業盡成灰

曉登

一本有成
都二字

迎春閣

未櫛凭欄眺錦城
煙籠萬井二江明
香風滿閣花滿樹
樹樹樹梢啼曉鶯

白髭

到處逢人求至藥
幾回染了又成絲
素絲易染髭難染
墨翟當年合泣髭

送盧使君赴夔州

鏡管隨征旆
高秋上遠巴
白波連霧雨
青蘚斷蒹葭
凭几雙瞳靜
登樓萬井斜
政成知俗變
當應畫輪車

望月

清秋新霽與君同
江上高樓倚碧空
酒盡露零賓客散
更更更漏月明中

古意

蒲帆出浦去
但見浦邊樹
不如馬行郎
馬跡猶在路
大舟不相載
買宅令委住
莫道留金多
本非愛郎富

全唐詩

劉滄

劉滄字蘊靈魯人大中八年進士第調華原尉遷龍門
令詩一卷

長洲懷古

野燒原空盡荻灰吳王此地有樓臺千年事在人何在
半夜月明潮自來白鳥影從江樹沒清猿聲入楚雲哀
停車日晚薦蘋藻風靜寒塘花正開

經煬帝行宮

此地曾經翠輦過浮雲流水竟如何香銷南國美人盡
怨入東風芳草多殘柳宮前空露葉夕陽川上浩煙波

行人遙起廣陵思
古渡月明聞棹歌

春日遊嘉陵江

獨泛扁舟映綠楊
嘉陵江水色蒼蒼
行看芳草故鄉遠
坐對落花春日長
曲岸危檣移渡影
暮天栖鳥入山光
今來誰識東歸意
把酒閑吟思洛陽

秋日山齋書懷

啟戶清風枕簟幽
蟲絲吹落挂簾鉤
蟬吟高樹雨初霽
人憶故鄉山正秋
浩渺蒹葭連夕照
蕭疎楊柳隔沙洲
空將方寸荷知己
身寄煙蘿恩未酬

晚秋洛陽客舍

清洛平分兩岸沙
沙邊水色近人家
隋朝古陌銅駝柳

石氏荒原金谷花庭葉霜濃悲遠客宮城日晚度寒鴟
未成歸計關河阻空望白雲鄉路賒

深愁喜友人至

不避驅羸道路長青山同喜惜年光燈前話舊堦草夜
月下醉吟谿樹霜落葉已經寒燒盡衡門猶對古城荒
此身未遂歸休計一半生涯寄岳陽

秋日望西陽

古木蒼苔墜幾層行人一望旅情增太行山下黃河水
銅雀臺西武帝陵風入蒹葭秋色動雨餘楊柳暮煙凝
野花似泣紅妝淚寒露滿枝枝不勝

鄴都懷古

昔時霸業何蕭索古木唯多鳥雀聲芳草自生宮殿處
牧童誰識帝王城殘春楊柳長川迴落日蒹葭遠水平
一望青山便惆悵西陵無主月空明

題龍門僧房

靜室遙臨伊水東寂寥誰與此身同禹門山色度寒磬
蕭寺竹聲來晚風僧宿石龕殘雪在鴈歸沙渚夕陽空
偶將心地問高士坐指浮生一夢中

秋夕山齋即事

衡門無事閉蒼苔籬下蕭疎野菊開半夜秋風江色動
滿山寒葉雨聲來鴈飛關塞霜初落書寄鄉間人
迴獨坐高窗此時節一彈瑤瑟自成哀

一作
客未

江行書事

遠渚蒹葭覆綠苔，姑蘇南望思裴徊。
空江獨樹楚山背，暮雨一一作孤舟吳苑來。
人度深秋風葉落，鳥飛殘照水煙開。
寒潮欲上泛萍藻，寄薦三閭情自哀。

過鑄鼎原

黃帝修真萬國朝，鼎成龍駕上丹霄。
天風乍起鶴聲遠，海霧漸深龍節遙。
仙界日長青鳥度，御衣香散紫霞飄。
唯留古跡寒原在，碧水蒼蒼空寂寥。

秋日寓懷

海上生涯一釣舟，偶因名利事淹留。
旅塗誰見客青眼，故國幾多人白頭。
霽色滿川明水驛，蟬聲落日隱城樓。

如何未盡此行役西入潼關雲木秋

江城晚望

一望江城思有餘遙分野逕入樵漁青山經雨菊花盡
白鳥下灘蘆葉疎靜聽潮聲寒木杪遠看風色暮帆舒
秋期又涉潼關路不得年年向此居

宿蒼谿館

孤館門開對碧岑竹窗燈下聽猿吟巴山夜雨別離夢
秦塞舊山迢遞心滿地莓苔生近水幾株楊柳自成陰
空思知己隔雲嶺鄉路獨歸春草深

題王母廟

寂寥珠翠想遺聲門掩煙微水殿清拂曙紫霞生古壁

何年絳節下層城
鶴歸遼海春光晚
花落閑堦夕雨晴
武帝無名在仁籍
玉壇星月夜空明

留別復本修古二上人

二遠相知是昔年
此身長寄禮香煙
綠蕪風晚水邊寺
清磬月高林下禪
臺殿虛窗山翠入
梧桐疎葉露光懸
西峰話別又須去
終日關山在馬前

邊思

漢將邊方背轆轤
受降城北是單于
黃河晚凍雪風急
野火遠燒山木枯
偷號甲兵衝塞色
銜枚戰馬踏寒蕪
蛾眉一沒空留怨
青塚月明啼夜烏

登龍門敬善寺閣

獨步危梯入杳冥
天風瀟灑拂簷楹
禹門煙樹正春色
少室雲屏向晚晴
花落院深清禁閉
水分川闊綠蕪平
瑣窗朱檻同仙界
半夜緜山有鶴聲

題王校書山齋

猿鳥無聲晝掩扉
寒原隔水到人稀
雲晴古木月初上
雪滿空庭鶴未歸
藥圃一作圃地連山色近
樵家路入樹煙微
栖遲慣得滄浪思
雲閣還應夢釣磯

浙江晚渡懷古

蟬噪秋風滿古隄
荻花寒渡思萋萋
潮聲歸海鳥初下
草色連江人自迷
碧落晴分平楚外
青山晚出穆陵西
此來一見垂綸者
卻憶舊居明月溪

及第後宴曲江

及第新春選勝遊，杏園初宴曲江頭。
紫毫粉壁題仙籍，柳色簫聲拂御樓。
霽景露光明遠岸，晚空山翠墜芳洲。
歸時不省花間醉，綺陌香車似水流。

秋日山寺懷友人

蕭寺樓臺對夕陰，淡煙疎磬散空林。
風生寒渚白蘋動，霜落秋山黃葉深。
雲盡獨看晴塞鴈，月明遙聽遠村砧。
相思不見又經歲，坐向松窗彈玉琴。

八月十五日夜玩月

中秋朗月靜天河，烏鵲南飛客恨多。
寒色滿窗明枕簟，清光凝露拂煙蘿。
桂枝斜漢流靈魄，蘋葉微風動細波。

此夜空亭聞木落蒹葭霜磧鴈初過

晚春宿僧院

蕭寺春風正落花淹留數宿惠休家碧空雲盡磬聲遠

清夜月高窗影斜白日

一作社

閑吟爲道侶青山遥指是生

涯微微一點寒燈在鄉夢不成聞曙鷄

懷汶陽兄弟

回看雲嶺思茫茫幾處

一作度

關河隔汶陽書信經年鄉國

遠弟兄無力海田荒天高霜月砧聲苦風滿寒林木葉

黃終日路岐歸未得秋來空羨鴈成行

題天宮寺閣

丹闕侵霄壯復危排空霞影動簷扉城連伊水禹門近

煙隔上陽宮樹微
天歛暮雲殘雨歇
路穿春草一僧歸
此來閑望更何有
無限清風生客衣

遊上方石窟寺

苔徑縈迴景漸分
脩然空界靜埃氛
一聲疎磬過寒水
半壁危樓隱白雲
雪下石龕僧在定
日西山木鳥成羣
幾來吟嘯立朱檻
風起天香處處聞

懷江南友人

久絕音書隔塞塵
路岐誰與子相親
愁中獨坐秦城夜
別後幾經吳苑春
湘岸風來吹綠綺
海門潮上沒青蘋
空勞兩地望明月
多感斷蓬千里身

題敬亭山廟

森森古木列巖隈，迴壓寒原霽色開。
雲雨只從山上起，風雷多向廟中來。
三江入海聲長在，雙鶴啼天影未迴。
花落空庭春晝晚，石牀松殿滿青苔。

經麻姑山

麻姑此地鍊神丹，寂寞煙霞古竈殘。
一自仙娥歸碧落，幾年春雨洗紅蘭。
帆飛震澤秋江遠，雨過陵陽晚樹寒。
山頂白雲千萬片，時聞鸞鶴下仙壇。

對殘春

楊花漠漠暗長隄，春盡人愁鳥又啼。
鬢髮近來生處白，家園幾向夢中迷。
霏微遠樹荒郊外，牢落空城夕照西。
唯有年光堪自惜，不勝煙草日萋萋。

過滄浪峽

山疊雲重一徑幽蒼苔古石瀨清流出巖樹色見來靜
落澗泉聲長自秋遠入虛明思白帝寒生浩景想滄洲
如何地近東西路馬足車輪不暫留

經過建業

六代興衰曾此地西風露泣白蘋花煙波浩渺空亡國
楊柳蕭條有幾家楚塞秋光晴入樹浙江殘雨晚生霞
淒涼處處漁樵路鳥去人歸山影斜

贈道者

真趣淡然居物外忘機多是隱天台停燈深夜看仙籙
拂石高秋坐釣臺賣藥故人湘水別入簷栖鳥舊山來

無因朝市知名姓地僻衡門對嶽開

題馬太尉華山莊

別開池館背山陰近得幽奇物外心竹色拂雲連嶽寺
泉聲帶雨出谿林一庭楊柳春光暖三逕煙

一作春
作松蘿晚

翠深自是功成閑劔履西齋長卧對瑤琴

秋日夜懷

砧杵寥寥秋色長遶枝寒鵲客情傷關山雲盡九秋月
門柳葉凋三徑霜近日每思歸少室故人遙憶隔瀟湘
如何節候變容髮明鏡一看愁異常

題巫山廟

十二嵐峯挂夕暉廟門深閉霧煙微天高木落楚人思

山迴月殘神女歸
觸石晴雲凝翠鬢
度江寒雨濕羅衣
嬋娟似恨襄王夢
猿叫斷岩秋蘚稀

題吳宮苑

吳苑荒涼故國名
吳山月上照江明
殘春碧樹自留影
半夜子規何處聲
蘆葉長侵洲渚暗
蘋花開盡水煙平
經過此地千年恨
荏苒東風一作露色清

旅館書懷

秋看庭樹換風煙
兄弟飄零寄海邊
客計倦行分陝路
家貧休種汶陽田
雲低遠塞鳴寒鴈
雨歇空山噪暮蟬
落葉蟲絲滿窗戶
秋堂獨坐思悠然

贈天台隱者

靜者多依猿鳥叢，衡門野色四郊通。
天開宿霧海生日，水泛落花山有風。
迴望一巢懸木末，獨尋危石坐巖中。
看書飲酒餘無事，自樂樵漁狎一作釣翁。

洛陽月夜書懷

疎柳高槐古巷通，月明西照上陽宮。
一聲邊鴈塞門雪，幾處遠砧河漢風。
獨榻閑眠移嶽影，寒窗幽思度煙空。
孤吟此夕驚秋晚，落葉殘花樹色中。

江行夜泊

白浪連空極渺漫，孤舟此夜泊中灘。
岳陽秋霽寺鐘遠，渡口月明漁火殘。
綠綺韻高湘女怨，青葭色映水禽寒。
鄉遙楚國生歸思，欲曙山光上木蘭。

贈顓頊山人

浩氣含真玉片輝著書精義入玄微
洛陽紫陌幾曾醉少室白雲時一歸
松雪月高唯鶴宿煙嵐秋霽到人稀
知君濟世有長策莫問滄浪隱釣磯

長安冬夜書情

上國棲遲歲欲終此情多寄寂寥中
鐘傳半夜旅人館鷓鴣一聲疎樹風
古巷月高山色靜寒蕪霜落灞原空
今來唯問心期事獨望青雲路未通

經古行宮

玉輦西歸已至今古原風景自沈沈
御溝流水長芳草宮樹落花空夕陰
胡蝶翅翻殘露滴子規聲盡野煙深

路人不記當年事
臺殿寂寥山影侵

秋日登醴泉縣樓

閑上高樓時一望
綠蕪寒野靜中分
人行直路入秦樹
鴈截斜陽背塞雲
渭水自流汀島色
漢陵空長石苔紋
秋風高柳出危葉
獨聽蟬聲日欲曛

春日旅遊

玄髮辭家事遠遊
春風歸鴈一聲愁
花開忽憶故山樹
月上自登臨水樓
浩浩晴原人獨去
依依春草水分流
秦川楚塞煙波隔
怨別路岐何日休

送友人下第歸吳

共惜年華未立名
路岐終日軫羈情
青春半是往來盡

白髮多因離別生楚岸帆開雲樹映吳門月上水煙清
東歸自有故山約花落石牀苔蘚平

訪友人郊居

登原過水訪相如竹塢莎庭似故居空塞山當清晝晚
古槐人繼綠陰餘休彈瑟韻傷離思已有蟬聲報夏初
醉唱勞歌翻自歎釣船漁浦夢難疎

匡城尋薛閔秀才不遇

音容一別近三年往事空思意浩然疋馬東西何處客
孤城楊柳晚來蟬路長草色秋山綠川闊晴光遠水連
不見故人勞夢寐獨吟風月過南燕

與僧話舊

巾爲同時下翠微舊遊因話事多違南朝古寺幾僧在
西一作北嶺空林唯鳥歸莎徑晚煙凝竹塢石池春色染苔
衣此時相見又相別即是關河朔鴈飛

寄遠

西園楊柳暗驚秋寶瑟朱弦結遠愁霜落鴈聲來紫塞
月明人夢在青樓蕙心迢遞湘雲暮蘭思縈迴楚水流
錦字織成添別恨關河萬里路悠悠

長安逢友人

上國相逢塵滿襟傾杯一話昔年心荒臺共望秋山立
古寺多同雪夜吟風度重城宮漏盡月明高柳禁煙深
終期白日青雲路休感鬢毛霜雪侵

下第東歸途中書事

峽路誰知倦此情往來多是半年程
孤吟洛苑逢春盡幾向秦城見月明
高柳斷煙侵嶽影古隄斜日背灘聲
東歸海上有餘業牢落田園荒草平

經龍門廢寺

因思人事無窮幾度經過感此中山色
不移樓殿盡石臺依舊水雲空
唯餘芳草滴春露時有殘花落晚風
楊柳覆灘清瀨響暮天沙鳥自西東

下第後懷舊居

幾到青門未立名芳時多負故鄉情
兩餘秦苑綠蕪合春盡灞原白髮生
每見山泉長屬意終期身事在歸耕

蘋花覆水曲谿暮獨坐釣舟歌月明

經無可舊居兼傷賈島

塵室寒宵我獨看別來人事幾凋殘
晝空蕭寺一僧去雪滿巴山孤客寒
落葉隨巢禽自出蒼苔封砌竹成竿
碧雲迢遞長江遠向夕苦吟歸思難

贈隱者

何時止此幽棲處獨掩衡門長綠苔
臨水靜聞靈鶴語隔原時有至人來
五湖仙島幾年別九轉藥爐深夜開
誰識無機養真性醉眠松石枕空杯

題書齋

一日不曾離此處風吹疎牖夕雲晴
氣凌霄色劒光動

吟對雪華詩韵清高木宿禽來遠嶽古原殘雨隔重城
西齋瑤瑟自爲侶門掩半春苔蘚生

題秦女樓

珠翠香銷鴛瓦墮神仙曾向此中遊青樓月色桂花冷
碧落蕭聲雲葉愁杳杳蓬萊人不見蒼蒼苔蘚路空留
一從鳳去乎年後迢遞岐山水石秋

題桃源處士山居留寄

白雲深處葺茅廬退隱衡門與俗疎一洞曉煙留水上
滿庭春露落花初閑看竹嶼吟新月特酌山醪讀古書
窮達盡爲身外事浩然元氣樂樵漁

宿題天壇觀

沐髮清齋宿洞宮
桂花松韻滿巖風
紫霞曉色秋山霽
碧落寒光霜月空
華表鶴聲天外迴
蓬萊仙界海門通
冥心一悟虛無理
寂寞玄珠象罔中

洛神怨

子建東歸恨思長
飄飄神女步池塘
雲鬟高動水宮影
珠翠乍搖沙露光
心寄碧沈空婉戀
夢殘春色自悠揚
停車綺陌傍楊柳
片月青樓落未央

龍門留別道友

一顧恩深荷道安
獨垂雙淚下層巒
飛鳴北鴈塞雲暮
搖落西風關樹寒
秦谷終期吹羽翼
萍身不定逐波瀾
裴徊偏起舊枝戀
半夜獨吟孤燭殘

題四皓廟

石壁蒼苔翠靄濃
驅車商洛想遺踪
天高猿叫向山月
露下鶴聲來廟松
葉墮陰巖疎薜荔
池經秋雨老芙蓉
雪鬪仙侶何深隱
千古寂寥雲水重

望未央宮

西上秦原見未央
山嵐川色晚蒼蒼
雲樓欲動入清渭
鴛瓦如飛出綠楊
舞席歌塵空歲月
宮花春草滿池塘
香風吹落天人語
綵鳳五雲朝漢皇

秋日過昭陵

寢廟徒悲劔與冠
翠華龍馭杳漫漫
原分山勢入空塞
地匝松陰出晚寒
上界鼎成雲縹緲
西陵舞罷淚闌干

那堪獨立斜陽裏，碧落秋光煙樹殘。

夏日登慈恩寺

金界時來一訪僧，天香飄翠瑣窗凝。
碧池靜照寒松影，清晝深懸古殿燈。
晚景風蟬催節候，高空雲鳥度軒層。
塵機消盡話玄理，暮磬出林疎韻澄。

宿題金山寺

一點青山翠色危，雲岩不掩與星期。
海門煙樹潮歸後，江面山樓月照時。
獨鶴唳空秋露下，高僧入定夜猿知。
蕭疎水木清鐘梵，顥氣寒光動石池。

送友人遊蜀

北去西游春未半，蜀山雲雪入詩情。
青蘿拂水花流影，

翠靄隔岩後有聲日出空江分遠浪鳥歸高木認孤城
心期萬里無勞倦古石蒼苔峽路清

題鄭中丞東溪

一境新開雉堞西綠苔微徑露淒淒高軒夜靜竹聲遠
曲岸春深楊柳低山霽月明常此醉草芳花暗省曾迷
即隨鳳詔歸清列幾憶風花夢小溪

代友人悼姬

羅帳香微冷錦裯歌聲永絕想梁塵蕭郎獨宿落花夜
謝女不歸明月春青鳥罷傳相寄字碧江無復採蓮人
滿庭芳草坐成恨迢遞蓬萊入夢頻

夏日登西林白上人樓

幾到西林清淨境層臺高視有無間寒光遠動天邊水
碧影出空煙外山苔點落花微萼在葉藏幽鳥碎聲閑
曠然多慊登樓意永日重門深掩關

江樓月夜聞笛

南浦蒹葭疎雨後寂寥橫笛怨江樓思飄明月浪花白
聲入碧雲楓葉秋河漢夜闌孤鴈度瀟湘水關二妃愁
髮寒衣濕曲初罷露色河光生釣舟

送友人下第東歸

漠漠楊花灞岸飛幾迴傾酒話東歸九衢春盡生鄉夢
千里塵多滿客衣流水雨餘芳草合空山月晚白雲微
金門自有西來約莫待螢光照竹扉

從鄭郎中高州遊東潭

煙嵐晚入濕旌旗
高檻風清醉未歸
夾路野花迎馬首
出林山鳥向人飛
一谿寒水涵清淺
幾處晴雲度翠微
自是謝公心近得
登樓望月思依依

罷華原尉上座主尚書

自憐生計事悠悠
浩渺滄浪一釣舟
千里夢歸清洛近
三年官罷杜陵秋
山連絕塞渾無色
水到平沙幾處流
白露黃花歲時晚
不堪霜鬢鏡前愁

雨後遊南門寺

郭南山寺雨初晴
上界尋僧竹裏行
半壁樓臺秋月過
一川煙水夕陽平
苔封石室雲含潤
露滴松枝鶴有聲

一作迴

聲木葉蕭蕭動歸思西風畫角漢東城

題古寺

古寺蕭條偶宿期更深霜壓竹枝低長天月影高窗過
疎樹寒鴉半夜啼池水竭來龍已去老松枯處鶴猶棲
傷心可惜從前事寥落朱廊墮粉泥

晚秋野望

秋盡郊原情自哀菊花寂寞晚仍開高風疎葉帶霜落
一鴈寒聲背水來荒壘幾年經戰後故山終日望書回
歸途休問從前事獨唱勞歌醉數杯

秋月望上陽宮

苔色輕塵鎖洞房亂鴉羣鴿集殘陽青山空出禁城日

黃葉自飛宮樹霜御路幾年香輦去天津終日水聲長
此時獨立意難盡正值西風砧杵涼

入關留別主人

此來多愧食魚心東閣將辭強一吟羸馬客程秋草合
晚蟬關樹古槐深風生野渡河聲急鴈過寒原嶽勢侵
對酒相看自無語幾多離思入瑤琴

留別山中友人

欲辭松月戀知音去住多同羈鳥心秋盡書窗驚白髮
晚衝霜葉下青岑大河風急寒聲遠高嶺雲開夕影深
別後寂寥無限意野花門路草蟲吟

春晚旅次有懷

晚出關河綠野平依依雲樹動鄉情殘春花盡黃鶯語
遠客愁多白髮生野水亂流臨古驛斷煙凝處近孤城
東西未遂歸田計海上青山久廢耕

與重幽上人話舊

雲飛天末水空流省與師同別異州庭樹蟬聲初入夏
石牀苔色幾經秋燈微靜室生鄉思月上巖城話旅遊
自喜他年接巾舄滄浪地近虎溪頭

月夜聞鶴唳

碧落風微月正明霜毛似怨有離情莓苔石冷想孤立
楊柳葉疎聞轉清空夜露殘驚墮羽遼天秋晚憶歸程
鳳凰樓閣知猶戀終逐煙霞上玉京

過北邙山

散漫黃埃滿北原，折碑橫路碾苔痕。
空山夜月來松影，荒塚春風變木根。
漠漠兔絲羅古廟，翩翩丹旆過孤村。
白楊落日悲風起，蕭索寒巢鳥獨奔。

咸陽懷古

經過此地無窮事，一望淒然感廢興。
渭水故都秦二世，咸原秋草漢諸陵。
天空絕塞聞邊鴈，葉盡孤村見夜燈。
風景蒼蒼多少恨，寒山半出白雲層。

送友人罷舉赴薊門從事

人生行止在知己，遠佐諸侯重所依。
綠綬便當身是貴，青霄休怨志相違。
晚雲遼水疎殘雨，寒角邊城怨落暉。

此去黃金臺上客相思應羨鴈南歸

看榜日

禁漏初停蘭省開列仙名目上清來飛鳴曉日鶯聲遠
變化春風鶴影回廣陌萬人生喜色曲江千樹發寒梅
青雲已是酬恩處莫惜芳時醉酒杯

送李休秀才歸嶺中

南泛孤舟景自饒蒹葭汀浦晚蕭蕭秋風漢水旅愁起
寒木楚山歸思遙獨夜猿聲和落葉晴一作空江月色帶回
潮故園新過重陽節黃菊滿籬應未凋

寓居寄友人

雨餘虛館竹陰清獨坐書窗軫旅情芳草衡門無馬跡

古槐深巷有蟬聲夕陽雲盡嵩峰出遠岸煙消洛水平
今夜南原賞佳景月高風定苦吟生

經曲阜城

行經闕里自堪傷曾歎東流逝水長蘿蔓幾凋荒隴樹
莓苔多處古宮牆三千弟子標青史萬代先生號素王
蕭索風高洙泗上秋山明月夜蒼蒼

汶陽客舍

年光自感益蹉跎岐路東西竟若何窗外雨來山色近
海邊秋至鴈聲多思鄉每讀登樓賦對月空吟叩角歌
迢遞舊山伊水畔破齋荒徑閉煙蘿

留別崔濟秀才昆仲

汶陽離思水無窮去住情深夢寐中歲晚蟲鳴寒露草
日西蟬噪古槐風川分遠岳秋光靜雲盡遙天霽色空
對酒不能傷此別尺書憑鴈往來通

和友人憶洞庭舊居

客舍經時益苦吟洞庭猶憶在前林青山殘月有歸夢
碧落片雲生遠心谿路煙開江月出草堂門掩海濤深
因君話舊起愁思隔水數聲何處砧

晚歸山居

寥落霜空木葉稀初行郊野思依依秋深頻憶故鄉事
日暮獨尋荒徑歸山影暗隨雲水動鐘聲潛入遠煙微
娟娟唯有西林月不惜清光照竹扉

送元叙上人歸上黨時節鎮

羅采

太行關路戰塵收
白日思鄉別沃州
薄暮焚香臨野燒
清晨漱齒涉寒流
谿邊殘壘空雲木
山上孤城對驛樓
此去寂寥尋舊跡
蒼苔滿徑竹齋秋

秋日旅途即事

驅羸多自感煙草
遠郊平鄉路幾時
盡旅人終日行渡
邊寒水驛山下夕
陽城蕭索更何有
秋風兩鬢生

早行

旅途乘早景一作起
策馬獨淒淒殘影
郡樓月一聲關樹
雞聽鐘煙柳外問
渡水雲西當自勉
行役終期功業齊

句

全唐詩

李頻

李頻字德新睦州壽昌人少秀悟逮長廬西山多所記
覽其屬辭於詩尤長給事中姚合名爲詩士多歸重頻
走千里丐其品合大加獎挹以女妻之大中八年擢進
士第調秘書郎爲南陵主簿判入等再遷武功今俄擢
侍御史守法不阿狗遷累都官員外郎表丐建州刺史
以禮法治下建賴以安卒官父老爲立廟黎山歲祠之
有建州刺史集一卷又號黎岳集今編爲三卷

湘口送友人

中流欲暮見湘煙葦岸無窮接楚田一作天去雁遠衝雲夢

雪一作澤離人獨上洞庭船風波盡日依山轉星漢通霄向

水連零落梅花過殘臘一作回首羨君偏有我故園歸醉及一作云醉一作去又新

年一作賦鄂州頭陀寺上方

高寺上方無不見天涯行客思迢迢西江帆挂一作道東風

急夏口城銜一作街楚塞遙沙渚漁歸多濕網秦林一作聲後盡

空條感時歎物尋僧話一作語惟一作誰向禪心得寂寥

寄遠

槐欲成陰分袂時君期十日復金扉槐今落葉已將盡

君向遠鄉一作方猶未歸化石早曾聞節婦沈湘何必獨靈

妃須知此意同生死不學他人空寄衣

題張司馬別墅

庭前樹盡手中栽，先後花分幾番開。
巢鳥戀雛驚不起，野人思酒去還來。
自拋官與青山近，誰謂一作身為白髮催。
門外尋常行樂處，重重履跡在莓苔。

長安即事

長遇豪家不敢過，此身誰與取高科。
故園久絕書來後，南國空看雁去多。
中夜永懷聽壺漏，先秋歸夢涉層波。
愁人白髮自生早，我獨少年能幾何。

漢上逢同年崔八

去歲曾一作遊帝里，春杏花開過各離秦。
偶先託質逢知己，獨未還家作旅人。
世上路岐何繚繞，空中光景自逡

巡一回相見一回別能一作更得幾時一作回年少身

五月一日蒙替本官不得隨例入闕感懷獻送

相公

五月傾朝謁紫宸一朝無分在清塵含香已去星郎位
衣錦惟思婺女隣折獄也曾為俗吏勸農元本是耕人
知將何事酬公道只養生靈似養身

春閨怨

紅妝女兒一作粉兒燈下羞畫眉夫婿隴西頭自怨愁容長

照鏡悔教征戍覓封侯

送邊將

防秋戎馬恐來奔詔發將軍出雁門遙領短兵登隴首

獨橫長劍向河源，悠揚落日黃雲動蒼莽。
陰風白草翻若縱，干戈更深入應聞收得到崑崙。

太和公主還宮

天驕發使犯邊塵，漢將推功遂奪親。
離亂應無初去貌，死生難有却回身。
禁花半老曾攀樹，宮女多非舊識人。
重上鳳樓追故事，幾多愁思向青春。

將赴黔州先寄本府中丞

八月瞿塘到底翻，孤舟上得已銷魂。
幕中職罷猶趨府，闕下官成未謝恩。
丹嶂聳空無過鳥，青林覆水有垂猿。
感知肺腑終難說，從此辭歸便掃門。

和友人下第北遊感懷

聖代爲儒可致身誰知又別五陵春青門獨出一作空歸
鳥紫陌相逢盡醉人江島去尋垂釣遠塞山來見舉頭
頻且須共漉邊城酒何必陶家有白綸

樂遊原春望

五陵佳氣晚氛氳霸業雄圖勢自分秦地山河連楚塞
漢家宮一作樓殿入青雲未央樹色春中見長樂鐘聲月下
聞無那楊華起愁思滿天飄落雪紛紛

黃雀行

欲竊高倉集御河翩翩疑渡畏秋波朱宮晚樹侵鶯語
畫閣香簾奪燕窠疎影暗棲寒露重空城飢噪暮煙多
誰令不解高飛去破宅荒庭有網羅

長安寓居寄柏侍郎

霜輕兩鬢欲相侵，愁緒無端不可尋。
秦女紅妝空覓伴，郢郎白雪少知音。
長亭古木春先老，太華青煙一作晚更一作深。
獨向灞陵東北望，一封書寄萬重心。

春日思歸

春情不斷若連環，一夕思歸鬢欲斑。
壯志未酬三尺劍，故鄉空隔萬重山。
音書斷絕干戈後，親友相逢夢寐間。
却羨浮雲與飛鳥，因風吹去又吹還。

朔中即事

關門南北雜戎夷，草木秋來即出師。
落日風沙長暝早，窮冬雨雪轉春遲。
山頭堠火孤明後，星外行人四絕時。

自古邊功何不立漢家中外自相疑

感懷獻門下相公

誰云郎選不由詩上相憐才積有時却是龍鍾到門晚
終非稽古致身遲謀將郡印歸難遂讀著家書坐欲癡
日望南宮看列宿迢迢娶女與鄉比一作鄰

贈長城庾將軍

初年三十拜將軍近代英雄獨未聞向國報恩心比石
辭天作鎮氣凌雲逆風走馬貂裘卷望塞懸弧雁陣分
定擁節麾從此去安西大破犬戎羣

浙東獻鄭大夫

聖主東憂漲海濱思移副相倚陶釣樓臺獨坐江山月

舟楫先行澤國春遙想萬家開戶外近聞羣盜竄諸鄰
幾時入去調元化天下同爲堯舜人

鏡湖夜泊有懷

東晉八守
馬蔡河集

廣水遙隄利物功因思太守惠無窮自從版築興農隙
長與耕耘致歲豐漲接星津流蕩漾寬浮雲岫動虛空
想當戰國開時有范蠡扁舟祇此中

宣州獻從叔大夫

清時選地任賢明從此觀風輟尹京日月天中辭洛邑
雲山江上領宣城萬家閭井俱安寢千里農桑竟起耕
聞說聖朝同漢代已愁徵入拜公卿

賀同年翰林從叔舍人知制誥

仙禁何人躡近踪
孔門先選得真龍
別居雲路拋三省
專掌天書在九重
五色毫揮成渙汗
百寮班下獨從容
芳年貴盛誰為比
鬱鬱青青嶽頂松

吳門別主人

一作吳門月夜
與曹太尉話別

早晚更看吳苑月
小西齋長憶落西窗
一作西窗
不知明夜誰
家見應照離人隔楚江

自黔中歸新安

朝過春關辭北闕
暮參戎幕向南巴
却將仙桂東歸去
江月相隨直到家

奉和鄭薰相公

一本此下有
七松亭三字

三四株松匝草亭
便成彭澤柳為名
蓮峰隱去難辭

關澹水朝回與出城

及第後還家過峴嶺

魏馱山前一朶

一作片

花嶺西更有幾

一作數

千家石斑魚鮓香

衝鼻淺水沙田飯遶牙

春日旅舍

未識東西南北路青春白日坐銷難如何一別故園後
五度花開五處看

過長江傷賈島

忽從一宦遠流離無罪無人子細知到得長江聞杜宇
想君魂魄也相隨

自遣

永擬東歸把釣絲，將行忽起半心疑。
青雲道是不平地，還有平人上得時。

寄曹鄴

終南山是枕前雲，禁鼓無因曉夜聞。
朝客秋來不朝日，曲江西岸去尋君。

述懷

望月疑無得桂綠，春天又待到秋天。
杏花開與槐花落，愁去愁來過幾年。

客洛酬劉駕

浮世總應相送老，共君偏更遠行多。
此回不似前回別，聽盡離歌逐櫂歌。

題釣臺障子

君家盡是我家山
巖子前臺枕古灣
却把釣竿終不可
幾時入海得魚還

題陽山顧煉師草堂

若到當時上升處
長生何事後無人
前峰自去種松子
坐見年一作視將來取茯神

聞金吾妓唱梁州

聞君一曲古梁州
礮起黃雲塞上愁
秦女樹前花正發
北風吹落滿城秋

游蜀回簡友人

別來十二月去到漏天邊
不是因逢閩還應是一作須隔知已

年

贈涇州王侍御

一日天書下紫微
三年旌旆隴雲飛
塞門無事春空到
邊草青青戰馬肥

夏日

一作秋夜

宿秘書姚監宅

貴宅多嘉樹
先秋有好風

一作高樹
蒙開樓待曉風

情閑離

一作離

闕下夢

野在

一作到

山中露色浮
寒瓦螢光隨

一作隨

暗鼓聽吟
麈尾盡

河漢任西東

一作轉
虛空

過嵩陰隱者

當門看少室
倚杖復披衣
每日醒還醉
無人是非架
書抽讀亂庭
果摘嘗稀獨
有江南客
思家未得歸

留別山家

開門不易求半月在林丘已與山水別難為花木留孤
懷歸靜夜遠會隔高秋莫道無言去冥心在重遊

送人遊吳

楚田開雪

一作天

後草色與君看積水浮春氣深山滯

一作帶

雨寒毘陵孤月出建業一鍾殘為把鄉書去因收別淚
難

東渭橋晚眺

秦地有吳洲

一作舟

千檣渭曲頭人當返照立水徹故鄉流

落第春難過窮途日易愁誰知橋上思萬里在江樓

送延陵韋少府

延陵稱貴邑季子有高蹤古跡傳多代仙山管幾峰微
泉聲小雨異木色深冬去畢三年秩新詩篋不容

淮南送友人歸滄州

風色忽

一作

西轉坐爲千里分高帆背楚落寒日逆淮曛

斷燒綠喬木盤鴟隱片雲鄉關

一作

百戰地歸去始休軍

夏日題蓋屋友人書齋

脩竹齊高樹書齋竹樹中四時無夏氣一作三伏有秋風
黑處巢幽鳥陰來叫候蟲牕西太白雪萬仞在遙空

尋山

一逕入雙崖初疑有幾家行窮人不見坐久日空斜石
上生靈草泉中落異花終須結茅屋向此學餐霞

送元遂上人歸錢唐

白衣遊帝鄉，已得事空王。
却返湖山寺，高禪水月房。
雨中過嶽一作月，黑秋後宿船涼。
回顧秦人語，他生會別方。

貽友人喻坦之

從容心自切一作別，飲水勝銜杯。
共在山中長，相隨闕下來。
脩身空有道，取事一作士各無媒。
不信昇平代，終遺草澤才。

送友人往振武

風沙遙見說，道路替君愁。
磧夜星垂地，雲明火上樓。
征鴻辭塞雪，戰馬識邊秋。
不共將軍語，何因有去留。

賦得長城斑竹杖

秦興版築時，翦伐不知誰。
異代餘根在，幽人得手持。
細

看生古意閑倚動邊思莫作鳩形並空將鶴髮期

送德清喻明府

棹返雲溪雲仍叅舊使君州傳多古跡縣記是新文水
柵橫舟閑湖田立木分但如詩思苦爲政即超羣

送薛能少府任盤屋

不才甘下第君子蹇何重相送昆明岸同看太白峰數
瓢留頃刻殘照迫從容好去煙霞縣仙人有舊蹤

送許壽下第歸東山

吾君設禮闈誰合學忘機却是高人起難爲下第歸出
關心縱野避世事終稀莫更今秋夕相思望少微

冬夜酬范秘書

一作九衢春
日對范秘書

九衢行一匝不敢入他門累日無餘事通宵得至非無言命嗟清世蹇春覺閏冬暄翻覆吟佳句何酬國士恩

送陸肱尉江夏

如何執簡去便作挂帆期澤國三春早江天落日遲
人齊候處洲鳥欲飛時免褐方三十青雲豈白髭

漢上送人西歸

幾作西歸夢因為愴別心一作此日看行意今人動遠心野銜天去盡山夾

一作東漢來深疊浪翻殘照一作雪高帆引片陰空留相贈句一作唯應

留別句畢我白頭吟

蜀中逢友人

自古有行役誰一作無人免別家相歡猶一作實須陌上一醉任天

涯積疊山藏蜀潯溪一作水遠巴他年復一作何處共說海
棠花

寄范評事

行坐不相遺
轅門載筆時
雅知難更遇
舊分合長思
夢
即重尋
熟書常轉
達遲山齋終
擬到何日遂
心期

南遊過湘漢即事寄友人

南去遠駢逐
三湘五月行
巴山雪水下
楚澤火雲生
向
野聊中飯
乘涼探暮程
離懷不可說
已迫峽猿聲

送許渾侍御赴澗州

家山近石頭
遂意恣一作東遊一作浮
祖席離烏府
歸帆轉蜃
樓陰氛出海
散落月向潮
流別有爲霖
日孤雲未自由

喜友人厲圖南及第

相憂過已切相賀似身榮
心達無前後神交共死生
承家吾子事登第世人情
未有通儒術明時道不行

送友人下第歸越

歸意隨流水江湖共在東
山陰何處去草際片帆通
雨色春愁裏潮聲曉夢中
雖爲半年客便是往來鴻

寄友人

一別一相見須臾老此生
客衣寒後薄山思夜深清
詩近吟何句髭新白幾莖
路岐如昨日來往夢分明

送友人下第歸宛陵

天涯長戀親關下獨傷春
擬住還求已須歸不爲身
臨

全唐詩 十一
岐仍犯雪挂席始離塵共泣東風別同為滄海人

秋夜對月寄鳳翔范書記

月過

一作遇

秋霖後光應夜夜清一回相憶起幾度獨吟行

河漢東西直山川遠近明寸心遙往處新有雁來聲

送孫明秀才往潘州訪

一作謁

韋卿

北鳥飛不到北人今

一作誰

去遊天涯浮瘴水嶺外問潘州

草木春冬茂猿猱日夜愁定知遷客淚應只對君流

八月十五夜對月

陰盛此宵中多為雨與風坐無雲雨至看與雪霜同抱

濕離遙海傾寒向迥空年年不可值還似命

一作道

難通

及第後歸

家臨浙水傍岸對買臣鄉縱棹隨歸鳥乘潮向夕陽苦
吟身得雪甘意鬢成霜况此年猶少酬知足自強

過巫峽

擁棹向驚湍巫峰一作直上看削成從水一作底聳出在雲

端暮雨晴時一作歸少啼猿渴下難一聞神女去風竹掃空

壇

過

長安

送

到

和

為

水

令

此手餘少懶映又甘

香附如奔水

一聞軒文去思於

不認所不為年

全唐詩

李頻

送友人往太原

離亭聊把酒，北路徹邊頭。草白雁來盡，時清人去遊。汾

河流晉地塞，雪滿并州別。後相思，夜空一作看北斗愁。一作明日

相思起時
條上北樓

旅懷

萬里共心論，徒言吾道存。奉親無別業，謁帝有何門。水

宿驚濤浦，山行落葉村。長安長夢去，欹枕即聞猿。

送裴御史赴湖南

關一作門鳥道中，飛傳復乘驄。暮雪離秦甸，春雲一作入楚

宮平蕪天共闊積水地多空使府懸帆去一作待能消幾日風

送姚部先輩赴汝州辟

行李事寒天東來聘禮金州當定鼎處人去偃戈年雷

一作風雨

依嵩嶺桑麻接楚田遙知清夜作不是借戎篇

第三聯同後送姚評事詩

初離黔中泊江上

去去把青桂平生心不違更蒙蓮府辟兼脫布衣歸露

岳

一作碧岫

明殘雪清波漾落暉無窮幽鳥戲

一作時

時向

一作日起

棹前

飛

黔中酬同院韋判官

平生同所為相遇偶然遲各著青袍後無歸白社期江
流來絕域府地管諸夷聖代都無事從公且賦詩

和范秘書襄陽舊遊

一作和范鄴先
車結襄陽舊遊

聽話揚帆興初從峴首還高吟入白浪遙坐看

一作看出青山

枯木

一作古木

猿啼爽寒

一作空

汀鶴步

一作空

閑秋來關

一作南

去夢幾夜

度

一作道

商顏

一作關

秋夜山

一作日

中思歸寄友人

蕭條對秋色相憶在雲泉木落病身起潮平歸思懸涼
鐘山頂寺暝火渡頭船此地非吾土淹留又一年

自黔中東歸旅次淮上

行旅本同愁黔吳復阻脩半年方中路窮節到孤舟夕

靄垂陰野晨光動積流家山一夜夢便是昔年遊

江夏春感舊

東風出海門處處動林園澤國雪霜少沙汀花木繁暖
魚依水淺晴雁入空翻何處陽和力生萍不駐根

睢州別李使君

一作眉山留
獻張端公

回首雪峰前朱門心杳然離人自嗚咽流水莫潺湲毒
草通蠻徼秋林近漏天一生從此去五字有誰憐

送許棠及第歸宣州

高科終自致志業信如神待得逢公道由來合貴身秋
歸方覺好舊夢始知真更想青山宅誰為後主人

黔中罷職將泛江東

黔中初罷職薄俸亦無殘舉目鄉關遠攜家旅食難野
梅將雪競江月與一作沙寒兩鬢愁應白何勞一作把鏡看

長安書事寄所知

帝里本無名端居有道情睡魂春夢斷一作書興晚窗明
老擬歸何處閑應過此生江湖終一日拜別便東行

酬姚覃

不見又相招何曾訴寂寥醉眼春草長吟坐夜燈銷淚
隨思山切身歸轉路遙年年送別處楊柳少垂條

春日鄜州贈裴居言

雖將身佐幕出入似閑居草色長相待山情信不疎燈
前春睡足酒後夜寒餘筆研時時近終非署簿書

送于生入蜀

家吳聞入蜀道路頗乖離一第何多難都城可少知江

山非久適

一作戀

命數未終奇况又將冤抱經春杜魄隨

送許棠歸涇縣作尉

青桂復晴袍一歸榮一高縣人齊下拜邑宰共分曹遶

郭看秧插尋街聽繭繅封侯萬里者燕頤乃徒勞

友人話別

論交雖不蚤話別且相親除却棲禪客誰非南陌人半

生都返性終老擬安貧願入白雲社高眠自致身

山居

欲出窮吾道東西自未能捲書

一作簾

唯對鶴開畫

一作卷

獨留

僧落葉和雲掃秋山共月登何年石上水夜夜滴高層
寄范郎中

藜杖山中出吟詩對一作獨范家相知從海嶠寄食向京華
名宦成何報清眸未縱賒臨邛夢來往雨雪滿襖斜

書懷

宦途從不問身事覺無差華髮初生女滄洲未有家却
閑思洞穴終老曠桑麻別訪棲禪侶相期語劫沙

越中行

越國臨滄海芳洲復暮晴湖通諸浦白日隱亂峰明野
宿多無定閑遊免有情天台聞不遠終到石橋行

春日南遊寄浙東許同年

孤帆處處宿不問是誰家南國平蕪遠東風細雨斜旅
懷多寄酒寒意欲留花更想前途去茫茫滄海涯

明州江亭夜別段秀才

離亭向水開時候復蒸梅霽靈燈燭

一作燭

滅蒹葭風雨來

京關雖

一作誰

共語海嶠不同回莫爲萼鱸美天涯滯爾才

臨岐留別相知

百歲竟何事一身長遠遊行行將近老處處不離愁世
路多相取權門不自投難爲此時別欲別願人留

鄂渚湖上即事

杜門聊自適湖水在窗間縱得滄洲

一作江

去無過白日關

多慵空好道少賤早凋顏獨有東山

一作峯

月依依自往還

辭夏口崔尚書

一飯仍難受，依仁况一年。

一作淹留
已半年

終期身可報，不擬骨

空鑿城。晚風高角江，春浪起船同來。

一作曾同

棲止地，獨去塞

鴻前。

秦

一作

原早望

一忝鄉書薦，長安未得回。年光逐渭水，春色上秦臺。燕

掠平蕪去，人衝細雨來。東風生故里，又過幾花開。

送友人之揚州

一作遊
淮南

一別長安後，晨征便信雞。河聲入峽急，地勢出關低。綠

樹叢垓下，青蕪闊楚西。路長知不惡，隨處得

一作好

詩題

過四皓廟

東西南北人高跡自相親天下已歸漢山中猶避秦龍
樓曾作客鶴豎不為臣獨有千年後青青廟木春

陝下懷歸

故園何處在零落五湖東日暮無來客天寒有去鴻大
河水徹塞高嶽雪連空獨夜懸歸思迢迢永漏中

送徐處士歸江南

行行野雪一作雲薄寒氣日一作已通春故國又芳草滄江終白

身遊歸花落滿睡起鳥啼新莫惜閑書扎西來問旅人

一作不得無來
扎空令借問人

鄜州留別王從事

相識未十日相知如十年從來易離別此去忽留連路

險行衝兩山高度隔天難終清夜坐更聽說安邊

長安夜懷

匹馬西遊日從吳又轉荆風雷幾夜坐山水半年行落

永秋燈滅吟餘曉露明良時不我與白髮向秦生一作頭盈

冬夜山中尋友一作僧

何人山雪夜相訪不相思一作後月下獨尋師若得長閑日應無

暫到一作別時葉寒凋欲盡泉凍落還遲即此天明去重來

未有一一作又未期

送劉山人歸洞庭

君逐雲山去人間又絕蹤一作去意無人會唯應道是從半湖乘

早月中路入疎鐘秋盡草一作戶蟲急夜深山兩重平生心

未已豈得更相從

作當時同隱者分得幾株松

古意

白馬遊何處青樓日正長
鳳簫拋舊曲鸞鏡嬾新妝
玄

鳥深一作空

巢靜一作語

飛花入戶香雖非竇滔婦
錦字已成章

避暑

當暑憶歸林陶家借柳陰
蟬從初伏噪客向晚涼吟
白

日欺玄鬢滄江負素心
神仙倘有術引我出幽岑

中二聯同後夏

日蓋屋郊居寄姚少府詩

送吳秘書歸杭州

為客得從容官清料復重
海崖歸有業天目近何峰
是

處通春棹無村不夜春
為卿誇貴達還說返臨邛

中秋對月

秋分一夜停陰魄最晶瑩好是生滄海徐看歷杳冥層
空疑洗色萬怪想潛形他夕無相類晨雞不可聽

八月上峽

一作八月峽口作

萬里巴江

一作巴

水秋來滿峽流亂山無陸路行客在孤舟

洶洶灘聲急冥冥樹色愁免為三不弔已

一作終

白髮生頭

送秋明府赴九江

字人脩祖德清白定聞傳匹馬從

一作

秦去孤帆入楚懸

關中寒食雨湖上暑衣天四考兼重請

一作攝

相知住幾年

陝下投姚諫議

舊業在東鄙西游從楚荆風雷幾夜坐山水半年行夢

永秋燈滅吟孤曉露明前心若不遂有耻却歸耕

關東逢薛能

何處不相思相逢還有時交心如到老會面未為遲苦
學緣明代勞生欲白髭唯君一度別便似見無期

富春贈孫璐

天柱與天目曾棲絕頂房青雲求祿晚白日坐家長井
氣通潮信牕風引海涼平生詩稱一作稱在老達亦何妨

送友人遊蜀

東堂雖不捷西去復何愁蜀馬知歸路巴山似舊遊星
臨劔閣動花落錦江流鼓吹青林下時聞祭武侯

夏日蓋屋郊居寄姚少府

古木有清陰寒泉在下深蟬從初伏噪客向晚涼吟白日欺玄鬢滄江負素心甚思中夜話何路許相尋

送胡休處士歸湘江

一作南

見說

一作話

湘江

一作荆湘

切長愁有去時江湖秋涉遠雷

一作風

雨

一作電

夜眠遲舊業多歸興空山盡老期天寒一瓢酒落日醉

一作擬留誰

峽州送清徹上人歸浙西

一作送清江上人歸東林

風濤幾千里歸路半乘舟此地難相遇一作別何人更共遊

一作留坐經嵩頂夏行值洛陽秋到寺安禪夕江雲滿一作過石

樓

送僧入天台

一錫隨緣赴天台又去登長亭舊別路落日獨行僧夜
燒山何處秋帆浪幾層他時授巾拂莫爲一作說老無能

回山後寄范鄴先輩

高樓會月夜北雁向南分留住經春雪辭來見夏雲遙
空江不極絕頂日難曛一與山僧坐無因得議文

長安送友人東歸

白社思歸處青門見去人鄉遙一作連茂苑樹路入廣陵塵

海日潮浮曉湖山雪露一作帶春猶期來帝里未是得閑人

一作身

深秋過源宗上人房一作房方丈

到日值搖落相留山舍空一微寒生夜半積雨向秋終度

許多來雁經禪少候蟲方從聽話後不省在愁中

第二聯
同後暮

秋宿清源上人院詩

秋日登山閣

蒼蒼山閣晚杳杳隙塵秋偶上多時立翻成盡日愁草
平連邑動河滿逐江流下視窮邊路行人在隴頭

秋宿慈恩寺遂上人院

一作送宋震
先輩赴吉州

滿閣終南色清宵獨倚欄風高斜漢動葉下曲江寒帝
里求名老空門見性難吾師無一事不似在長安

題棲霞寺慶上人院

居與鳥巢鄰日將巢鳥親多生從此性久集得無身樹
老風終夜山寒雪見春不知諸祖後傳印是何人

後二聯
同後贈

立規上人詩又司後規
樓雲寺立上人院詩

送友人入一作蜀

天際蜀門開西看舉別杯何人不異禮上客自懷才
夜澗青林發秋江淥水來臨邛行樂處莫到白頭回

贈同官蘇明府

山中畿內邑別覺大夫清簿領分王事宮資寄野情
閑齋無獄訟隱几向泉聲從此朝天路門前是去程

送厲圖南往荊州觀伯

雲水入荆湘古來魚鳥鄉故關重隔遠春日獨行長
山溜含清韻江雷吐夜光郡中詞客會遊子更升堂

山中夜坐

歸家來幾夜，倏忽覺秋殘。
月滿方塘白，風依老樹寒。
戲魚重躍定，驚鳥却棲難。
爲有門前路，吾生不得安。

送台州唐興陳明府

見說海西隅，山川與俗殊。
宦遊如不到，仙分即應無。
瀑布當公署，天台是縣圖。
遙知爲吏去，有術字惺孤。

夏日過友人檀溪別業

暑天宜野宅，林籟爽泠泠。
沙月邀開戶，岩風助掃庭。
鷺棲依綠篠，魚躍出清萍。
客抱方如醉，因來得暫醒。

白江上入關

盡室寄滄洲，孤帆獨泝流。
天涯心似夢，江上雨兼秋。
文字爲人棄，田園被債收。
此名如不得，何處擬將休。

冬夜和范秘書宿秘省中作

每日

一作入

得閑吟清曹闕下深因知遙夜坐別有遠山心

芸細書中氣松疎雪後

一作上

陰歸

一作幾

時高興足還復插朝

簪

送友人遊太原

孤帆幾日懸楚客思飄然水宿南湖夜山離舊國年秋
風高送雁寒雨入停蟬此去勤書札時常中路傳

江上居寄山中客

一本無居字中字

山後與山前相思隔叫猿殘雲收樹末返照落江源
雨秋濤漲狂風野火翻朝來賣藥客遇我達無一作君言

全唐詩

李頻

送張郎中赴睦州

青山復淶水想入富春西
夾岸清猿去中流白日低
美兼華省出榮共故鄉齊
賤子遙攀送歸心逐馬蹄

送鄂渚韋尚書赴鎮

夏口本吳頭重城據上游
戈船轉江漢風月宿汀洲
執憲傾民望銜恩赴主憂
誰知舊寮屬攀餞淚仍流

送崔侍御書記赴山北座主尚書招辟

書記向丘門旌幢夾谷尊
從來遊幕意此去并酬恩
雁叫嫌冰合驄嘶喜雪繁
同爲入室士不覺別銷魂

入朝遇雪

霜鬢持霜簡朝天向雪天玉階初辨色瓊樹乍相鮮密
翳空難曙盈微瑞不愆誰為洛陽客是日更高眠

勉力

日月不並照升沈俱有時自媒徒欲速孤立却宜遲盡
力唯求已公心任遇誰人間不得意半是鬢先衰

郊居寄友人

林色樹還曛何時得見君獨居度永日相去遠浮雲故
疾隨秋至離懷覺夜分蛩聲非自苦偏是旅人聞

送陸肱歸吳興

雪後江上去風光故國新清渾天氣曉綠動浪花春勸

酒提壺鳥乘舟震澤人誰知
滄海月取桂却來秦

暮秋重過山僧院

却接良宵坐明河幾轉涼
安禪逢小著抱疾入高秋
靜室聞玄理深山可白頭
朝朝獻林果亦欲學獼猴

第二聯同後秋

夜宿重本上人院詩

送新安少府

南浮雖六月風水已秋涼
日亂看江樹身飛逐楚檣
後期誰可定臨別語空長
遠宦須清苦幽蘭貴獨芳

送人歸吳

何人不歸去君去是閑人
帝里求相識山家即近鄰
交情吾道可一作古離思柳條新
未飲青門酒先如醉夢身

送姚評事

儒服從戎去須知勝事全使君開幕日天子偃戈年風
雨依嵩嶺桑麻接楚田新詩隨過客旋滿洛陽傳

題棲雲寺立上人院

是法從生有脩持歷劫塵獨居巖下室長似定中身樹
老風終夜山寒雪見春不知諸祖後傳印是何人

黔中罷職過峽州題田使君北樓

巴中初去日已遇使君留及得尋東道還陪上北樓江
衝巫峽出檣過洛宮收好是從戎罷看山覺自由

江上送從兄羣玉校書東遊

逍遙蓬閣吏才子復詩流墳籍因窮覽江湖却縱遊眠

波聽戍鼓飯浦約魚舟處處迎高密先應掃郡樓

宛陵東峰亭與友人話別

坐舉天涯目停杯語日曠脩篁齊迥檻列岫限平蕪亂
水通三楚歸帆挂五湖不知從此去何處是前途

華山尋隱者

自入華山居關東相見疎瓢中誰寄酒葉上我留書巢
鳥寒棲盡潭泉暮凍餘長聞得藥力此說又何如

未聯同
後尋華

陽隱者

題薦福寺僧棲白上人院

空門有才子得道亦吟詩內殿頻徵入孤峰久作期高
名何代比密行幾生持長愛喬松院清涼坐夏時

遊四明山劉樊二真人祠題山下孫氏居
久在仙壇下全家是地仙池塘來乳洞禾黍接芝田起
看青山足還傾白酒眠不知塵世事雙鬢鬢逐流年

和太學趙鴻博士歸蔡中

得祿從高第還鄉見後生田園休問主詞賦已垂名掃
壁前題出開牕舊景清遙知賢太守致席日邀迎

送壽昌曹明府

惠人須宰邑爲政貴通經却用清琴理猶嫌薄俗聽漲
江晴漸淥春嶠燒還青若宿嚴陵瀨誰當是客星

哭賈島

秦樓吟苦夜南望只悲君一宦終遐徼千山隔旅墳恨

聲流蜀魄冤氣入湘雲無限風騷句時來日夜聞

送薛能赴鎮徐方

列土人間盛彭門屬九州山河天設險禮樂牧分憂皎
日爲明信清風占早秋雖同卻縠舉卻縠不封侯

送鳳翔范書記

西京無暑氣夏景似清秋天府來相辟高人去自由江
山通蜀國日月近神州若共將軍語河蘭地未收

岐山逢陝下故人

三秦一會面二陝久分攜共憶黃河北相留白日西寄
來書少達別後夢多迷早晚期于此看花聽鳥啼

送友人陸肱往太原

并州非故國君去復尋誰
獫狁方為寇嫖姚正用師
戍煙來自一作有號邊雪下無時
更想經綿上應逢禁火期

贈李將軍

吾宗偏好武漢代將家流走馬辭中禁
屯軍向渭州天心待破虜陣面許封侯
却得河源水方應洗國讐

西戎無送友人喻坦之歸睦州一作送人
臨新定

歸心常共知歸路不相隨
彼此無依倚東西又別離
山

花一作雲含雨濕一作亞江樹近一作遙
又作送潮欵莫戀漁樵興
生涯各

有為一作期

尋華陽隱者

閑却白雲居行蹤出去初
窗中聊取筆架上獨留書
日

背林光冷潭澄嶽影虛長聞得藥力此說復何如

長安即事

一作長安
僻於朝人

豈得有書名徒為老帝京關中秋氣早雨後夜涼生滄

海身終泛青門夢一作路已行秦人縱相識多少別離情一作吟君

一句意又
見故人情

送友人遊塞北

朔野正秋風前程見磧鴻一作上馬問雲
中長川送北風日西身獨遠一作去山

轉路無窮樹隔高關斷沙連大漠空君看河外將早晚

擬一作合平戎

陝府上姚中丞

關東領藩鎮關下授旌旄覓句秋吟苦酬恩夜坐勞天

開吹角出木落上樓高閑話錢塘郡半年生聽海潮

送供奉喻鍊師歸天目山

承恩雖內殿得道本深山舉世相看老孤峰獨自還溪
來青壁裏路在白雲間絕頂無人住雙峰是舊關

之任建安涿溪亭偶作二首

入境當春務農蠶事正殷逢溪難飲馬度嶺更勞人想
取丞黎一作民泰無過賦斂均不知成政後誰是得為鄰
維舟綠溪岸繞郡白雲峰將幕連山起人家向水重短
才無獨見長策未相逢所幸分堯理丞民悉可封

送侯郎中任新定二首

為郎非白頭作牧授滄洲江界乘潮入山川值勝遊暑

氣隨轉扇涼月傍開樓便欲歸田里拋官逐隱侯
罷郎東出守半路得浮舟大旆行當夏桐江到未秋
閑分島寺濤靜見沙鷗誰伴臨清景吟詩上郡樓

送太學吳康仁及第南歸

因爲太學選志業徹春闈首領諸生出先登上第歸一
榮猶未已具慶且應稀縱馬行青草臨岐脫白衣家遙
楚國寄帆對漢山飛知己盈華省看君再發機

陝州題河上亭

岸擁洪流急亭開清興長當軒河草晚入坐水風涼獨
鳥驚來客孤雲觸去檣秋聲和遠雨暮色帶微陽浪靜
澄牕影沙明發簟光逍遙每盡日誰識愛滄浪

留題姚氏山齋

未厭棲林趣猶懷濟世才
閑眠知道在高步會時來
露滴從添硯蟬吟便送杯
亂書離縹帙筍出苔莓異
果因僧摘幽窗為燕開
春遊何處盡欲別幾遲回

長安書懷投知己

一作投
和員外

所學近離蟲知難謁一作望至公徒隨衆人後
擬老一生中

間歲家書到經荒世業空心懸滄海斷一作關夢與白雲通

玉漏聲連北銀河氣極東關門迢遞月禁苑寂寥鴻地

廣身難束一作調時平道獨窮蕭條苔長雨浙瀝葉危一作從風

久媿一作戀干朝客多慚別釣翁因依非不忝延薦况曾

蒙一作拜投何敢與一作泉善應一作如無替垂恩本有終霜天搖落

忽言獎為曾蒙

日莫使逐孤一作蓬

送姚侍御充渭北掌書記

北境烽煙急南山戰伐頻
撫綏初易帥參畫盡須人
書記才偏稱朝廷意更親
繡衣行李日綺陌別離塵
報國將臨虜之藩不離秦
豸冠嚴在首雄筆健隨身
飲馬河聲暮休兵塞色春
敗亡仍暴骨冤哭可傷神
上策何當用邊情此是真
離陰曾久客拜送欲霑巾

長安書情投知己

陝服因詩句從容已半年
一從歸闕下罕得到門前
每候朝軒出常看列宿懸
重投期見獎數首果蒙傳
轉覺功宜倍兼令住更堅
都忘春暫醉少省夜曾眠
煩暑燈

誰讀孤雲業自專精華搜未竭騷雅琢須全此事勤雖
過他謀拙莫先槐街勞白日桂路在青天取第殊無序
還鄉可有綠旅情長越鳥秋思幾秦驛月色千樓滿砧
聲萬井連江山阻迢遞時節暗推遷道即窮通守才應
始末憐書紳相戒語藏篋贈行篇致主當齊聖為郎本
是仙人心期際會鳳翼許遷延畢竟良圖在何妨逸性
便幽齋中寢覺珍木正陰圓隱几閑瞻夜一作臨雲興渺
然五陵供麗景六義動花牋倘與潛生翼寧非助化權
免教垂素髮歸種海隅田

府試丹浦非樂戰

自古為君道垂衣致理難懷仁須去殺用武即勝殘毒

幟誅方及兵臨釁可觀
居來彭蠡固戰罷洞庭寬
雪國知天遠霜林是血丹
吾皇則堯典薄伐至桑乾

府試風雨聞雞

不爲風雨變雞德
一何貞在暗長先覺臨晨
即自鳴陰霾方見信頃刻
詎移聲向晦如相警知時
似獨清蕭蕭和斷漏喔喔
報重城欲識詩人興中含
君子情

府試觀蘭亭圖

往會人何處遺蹤事可觀
林亭今日在草木古春殘
筆想吟中駐杯疑飲後乾
向青穿峻嶺當白認回湍
月影窗間夜湖光枕上寒
不知詩酒客誰更慕前歡

府試老人星見

良宵出戶度極日向青冥海內逢康日天邊見壽星臨
空遙的的竟曉獨熒熒春後先依景秋來忽近下垂休
臨有道作瑞掩前經豈比周王夢徒言得九齡

省試振鷺

有鳥生江浦霜華作羽翰君臣將比潔朝野共相一作歡
月影林梢下冰光水際殘翻飛時共樂飲啄道皆安迥
翥宜高詠羣棲入靜看由來鷺鷥侶濟濟列千官

寄辛明府

何處無苛政東南有子男細將朝客說須是邑人諳別
業空經稔歸田獨未甘目凝煙積樹心貯月明潭曉鼓
愁方亂春山睡正酣不任啼鳥思鄉社欲桑蠶

苑中題友人林亭

井邑藏嵒穴

一作同

幽棲趣若何春篁抽

一作葉

筍密夏鳥雜雛

多坐有清風至

一作起

林無暑氣過亂書還就葉真飲不聽

歌片影明紅蘚斜

一作新

陰映綠蘿雄文終可惜莫更棄高

科

投京兆府試官任文學先輩

高興每論詩非才獨見推應當明試日不比暗投時出
口人皆信操心自可知孤單雖有託際會別無期取舍
知由已窮通斷在茲賤身何足數公道自難欺澤國違
甘旨漁舟積夢思長安未歸去爲倚鑿妍媸

宋少府東溪泛舟

登岸還入舟水禽驚笑語晚葉低衆色濕雲帶繁暑落日乘醉歸溪流復幾許

聞北虜入靈州二首

河水一夜合虜騎入一作滿靈州歲歲徵兵去一作難防塞草

秋

見說靈州戰沙中血未一作不乾將軍日告急走馬向長安

送友人下第歸感懷

帝里春無一作無春意歸山對物華即應來日去一作到日九陌踏槐

花

贈桂林友人

君家桂林住一作下日伐桂枝炊何事東堂樹一作桂年年待一

枝

長安感懷

一第知何日全家待此身空將灞陵酒酌送向東人

題長孫桐樹

一去龍門側千年鳳影移空餘剪圭處無復在孫枝

渡漢江

嶺外音書絕經年

一作冬

復歷春近鄉情更怯不敢問來人

嵩山夜還

家住東臯去好採舊山薇自省遊泉石何曾不夜歸

暮秋宿清源上人院

野客愁來日山房木落中微風生夜半積雨向秋終證

道方離法安禪不住空迷途將覺路語默見西東

秋夜宿重本上人院

却憶涼堂坐明河幾度流安禪逢小暑抱疾入高秋水
國曾重講雲林半舊遊此來看月落還似道相求

贈立規上人

竹向空齋合無僧在四鄰去雲離坐石斜月到禪身樹
老風終夜山寒雪見春不知諸祖後傳印是何人

蘇州寒食日送人歸觀

第五句
缺一字

江城寒食下花木慘離魂幾宿投山寺孤帆過海門
聲潑火雨柳色禁煙村定看堂高後斑衣減淚痕

即席送許

之曹南省兄

缺一字

梅爛荷圓六月天歸帆高背虎丘煙到時自見成行雁
別處休聽滿樹蟬賣劍爲賒吳市酒攜家猶借洞庭船
待看春榜來江外名占蓬萊第幾仙

送羅著作兩浙按獄

著作常宰
蘇州吳縣

使印星車適舊遊陶潛今日在瀛洲科條盡曉三千罪
圜圍應空十二州舊綬有香籠驛馬皇華無暇狎沙鷗
歸來重過姑蘇郡莫忘題名在虎丘

下第後屏居書懷寄張侍御

削足豈一生良工隔千里故山彭澤上歸夢向汾水低
催神氣盡僮僕心亦耻未達誰不知達者多忘此行年
忽已壯去老年更幾功名如不彰身歿豈爲鬼纔看芳

草歇即歎涼風起
驄馬未來朝嘶聲尚在耳

答韓中丞容不飲酒

老大成名仍足病
強聽絲竹亦無歡
高情太守容閑坐
借與青山盡日看

句

只將五字句用破一生心

北夢瑣言

楚里八千里槃槃此都

會巍峩數里城
遠水相映帶

方輿勝覽